

rarus Mandulci frater bellum Burgundionibus intulit: multisq; praeliis defatigatos adeo afflixit Vt desperata alioquin salute nouum consilium caperent. Conuersi nanq; (Vt saepe fit aduersis in rebus) ad diuinum auxilium christianum baptisma receperunt. Votis conuersis: cōuersa uictoria est. Nanq; iterum Hunni Burgundionibus congressi: maxima accepta clade Et Subtaro rege interfecto in pristinas sedes retrocesserūt. Sūt qui Burgundiones scythicam quoq; gentem: sunt qui Germanicam scribunt fuisse. Illud satis constat Valentiniani temporibus Rhenum trāsisse. Sedesq; inter Rhenum rhodanumq; capisse. Sic appellati quia uicariam habitaret & quasi sub tentoriis. Burgos enim huiusmodi habitatiōes Galli appellāt. Eas sedes adhuc usq; diem semper incoluere. Placuit multis in quibus est Celius Hunnos fuisse qui & Auares. Postea uero ex utroq; nomine hungaros appellatos. Quid autē de hungaris acceperimus: dicemus paulo post. Athilæ regis gesta a pluribus memoriæ mandata sunt. Diuerso tamen bellorum ordine: dum aliud aliud prius ab eo gestum narrat. Cætera quidem omitemus: Attingemus breuiter ea quæ ad rem uenētā maxime pertinere existimabimus. Is igitur Athila nati maior apud Subtarum patrum & Mandulcum patrem militaribus studiis innutritus: defunctis illis: per totum pene septentrionem arma circumtulit: non tam dominandi cupidus q̃ uincendi. Eam demum magnam gloriā existimans: si illius uim & ensē: quem quasi martis spoliū semper in bellis gestabat: nemo mortaliū sustineret. Nam & sarmatiam omnem & finitimos quosq; populos: bello perdomuit. Ducens deinde aduersus orientalis imperii prouincias: cōgressus Macrino Imperatorio duce apud Martianopolim Atq; eo superato transmissio danubio populabundus pannonias: Illyrios: Messiam Thraciam usq; uastauit: ipsam petiturus Cōstantinopolim: Nisi a Theodosii. ii. ducibus undiq; accitis repressus & (ut nōnulli uolunt) ingenti accepta clade profligatus in patrias reuertisset sedes. Ea clade nihil territus. Bleda fratre ingenio mitiori, qui bellum cum Romanis dissuaderet, Immissis percussoribus interfecto: inuadere occidentale imperium adortus est. Itaq; ad iunctis quattuor barbararum nationum regibus: Erulorum: Alanorum: Gepidarum: Turcilingorum, Quarum copiarum numerum ad quingēta milia extitisse ferunt: In gallias transgressus est. Dimicauit de summa rerum apud Tholosam cū Etio Romano duce: Qui maxima ipse quoq; auxilia contraxerat Gotthorum, Alanorum, Franchorum: Burgundionum Comissum prælium est in cathalaunicis campis maxima mortalium strage. Siquidem centum & octoginta milia in eo prælio cecidisse oēs tradūt. Superior fuit Romanus. Maiore igitur accepto detrimento Athila q̃ illato relictis Galliis copias trāsmissio Rheno i pānōias reduxit: Irritata potius q̃